



Broj: 02-50-5055-4/09
Datum: 20.10.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PARLAMENTARNA SKUPŠTINA BIH
n/r predsjedavajućeg Predstavničkog doma

PRIMLJENO: 22.10.2009			
Organizaciona jedinica	Klasifikaciona oznaka	Redni broj	Broj priloga
01/50-1-15-61/09			

01-50-1-15-46/09

Predmet: Odgovor na poslaničko pitanje,
dostavlja se,-

Veza: Akt broj: 01/a-50-1-15-61/09 od 09.10. 2009. godine

AZRA ALAJBEGOVIĆ, poslanica u Predstavničkom domu Parlamentarne skupštine Bosne i Hercegovine, na 46. sjednici Predstavničkog doma održanoj 18.02.2009. godine, postavila je sljedeće poslaničko pitanje:

„Da li će se i kako koristiti saznanaja koja smo čuli na dvodnevnom seminaru o bezbjednosnoj politici u BiH koji je organizovao OSCE, a u vezi sa zaključcima ovog dvodnevnog seminara. Znači, da li će se koristiti i kako, s obzirom na moj subjektivni dojam da je tom seminaru prisustvovalo neoprostivo malo službenika Ministarstva bezbjednosti BiH.“

ODGOVOR

Dokument „Sigurnosna politika Bosne i Hercegovine“ koji je usvojen od strane Predsjedništva BiH 08. februara 2006. godine, koji je u skladu sa temeljnim strateškim usmjerenjima BiH na evroatlanske integracije, podrazumijeva niz obaveza koje bi tijela i institucije BiH trebale inicirati i provesti u narednom razdoblju. S tim u vezi, prvi korak u implementaciji Dokumenta bilo je organiziranje obuke iz oblasti sigurnosne politike BiH. U 2007. godini realizirana su **dva pilot kursa**, u 2008. godini **dva kursa** i u 2009. godini Interresorna radna grupa Vijeća ministara BiH za provođenje dokumenta Sigurnosna politika Bosne i Hercegovine donijela je odluku o organiziranju **dva kursa** iz oblasti sigurnosne politike u BiH.

Vijeće ministara Bosne i Hercegovine i vlade entiteta, kao nositelji izvršne vlasti, nadležni su za ostvarivanje sigurnosne politike i funkcioniranje sigurnosnog sektora u skladu sa svojim ovlastima. U vezi s tim Vijeće ministara i vlade entiteta poduzimaju potrebne pravne, organizacijske i druge mjere radi što potpunije provedbe Sigurnosne politike ili njezinih dijelova.

U 2009.godini Interresorna radna grupa usvojila je Program održavanja Trećeg kursa koji je održan u periodu od 18.05.do 29.05.2009. godine i Četvrtog kursa koji bi se trebao održati krajem 2009. godine.

Kao ciljna grupa ovog seminara označeni su ministarski zvaničnici Bosne i Hercegovine na svim nivoima koji se bave provođenjem sigurnosne politike Bosne i Hercegovine. Ciljna grupa se sastoji od parlamentaraca BiH, lidera u sigurnosnom sektoru i službenika sa državnog i entitetskog nivoa, a posebno onih koji se bave praktičnom provedbom sigurnosne politike i koji su uključeni u koordinaciju na svim nivoima.

Svrha je da se naglasi uloga Vijeća ministara i Inerresorne radne grupe u provođenju sigurnosne politike i važnost međuministarske i međuresorne koordinacije, te da se pruže ključnim zvaničnicima u sektoru sigurnosti Bosne i Hercegovine ažurirane informacije o sadašnjim sigurnosnim pitanjima.

U svakom od kurseva bio je prisutan određen broj službenika Ministarstva sigurnosti Bosne i Hercegovine i učestvovali su kao suorganizatori, predavači i učesnici. Naravno da organizatori kursa vode računa o ravnomjernoj zastupljenosti službenika iz ministarstava, njihovoj starosnoj dobi i rangu, s obzirom da broj kurseva i dužina njihovog trajanja, pored edukacije, umnogome doprinosi uspostavljanju prijateljskih i profesionalnih kontakata između polaznika.

Da se vodilo računa o svemu gore pomenutom, svjedoči i održavanje Trećeg kursa u maju ove godine, na kojem je učestvovao 31 državni službenik: tri pomoćnika, devet šefova odjela i 19 stručnih saradnika, viših stručnih saradnika i stručnih savjetnika iz više ministarstava i agencija. S nivoa države bilo je 13 polaznika, državnih agencija –sedam, entiteta i Brčko Distrikta 10 i nevladinih organizacija- jedan. U anketi polaznici Trećeg kursa izrazili su mišljenje da bi kod odabira polaznika budućih kurseva trebalo obuhvatiti širi spektar društva (88,46%), a manji dio (11,54%9) smatra da bi i dalje polaznici kurseva trebali biti iz sektora sigurnosti, o čemu svakako treba razmišljati u budućem planiranju.

S poštovanjem,

**ZAMJENIK MINISTRA**
Mijo Krešić

Sarajevo, Trg BiH 1; Tel: 033 213 686; Fax: 033 213 686
Сарајево, Трг БиХ 1; Тел: 033 213 686 ; Факс: 033 213 686